

杏莊主人外科藥水每罇銀二
毫能治皮膚百病乳癰胎毒頭
癰汗斑疔瘰癧痛皮膚癢鵝掌風
骨節麻木無名腫毒并湯火跌
打蛇虫傷百足咬之類凡極痛
者當面可試立刻可止 一寄
在省城漿欄街萬昌京果店賣
一在香港上環大馬路街市
口應記錢樓代賣 壬子夏
五月 吉日 杏莊主人謹啟

刑科掌印給事中臣樓譽晉跪 奏爲整頓官學宜疏通教習知縣補缺以資鼓勵恭摺仰祈 聖鑒事竊維宗室周官
羅景山八旗漢教習例由進士舉人及正途五貢考取充補到學三年期滿管學大臣出考咨部引見堪膺民社者以知縣
用在部候選二年後不能到班照例呈請分發省分試用自軍興籌餉以來仕途壅滯在部選缺固已非易分省補缺更屬無
期查吏部教習專補升調遺缺計八十四缺補教習儘先一名教習本班一各非二十餘年不能到班現在教習知縣分發候
補者大省十餘人中省八九人小省三四人永無補缺之日是以近來絕無進士應試教習其就試之舉貢均隨任及教讀在
京者亦不願考均以補缺艱難無志進取即考取到學終罕實心訓迪若不急爲疏通管學大臣亦難責成奮勉查光緒七年
御史胡隆陶李肇錫奏請疏通正途部議升調遺缺輪補分發進士截取舉人優貢如無人以大挑抵補又以終養改教撤回
降調迴避五項插補大挑一班捐納保舉兩項內正途出身先補一項孝廉方正到班先補舉貢出身惟教習一班並未經疏
通故正途出身各項補缺之艱難莫如教習近日侍郎錫珍向書廣壽少詹事寶昌先後奏請整頓官學仰蒙 俞允施行臣
愚以爲欲興官學宜變通教習知縣輪補章程俾有補缺之期而無向隅之嘆庶教習盡心訓課官學不難蔚起人才可否請

羊 九月二十九日 督撫憲轅報 試用同知莊允懿稟到解新會第八批衛防新署來報
補通判劉鼎稟知二十七晚在太平沙孔宅門首續獲搶火匪犯陳亞瑞一名交番禺縣
審辦南海縣張南海縣典史周俱稟知會營協同地段委員起回後樓房被擄女子陳亞
意一口擄匪現已加賞購緝補用縣張恆銘稟知解河口厘金來省○迴祿續聞 昨錄
大新街坭水店猝遭回祿遂致燎原茲查其實此店歇業已久其所住者分賃而居三十
九晚有同居之婦住于樓中新生一子僅隔四朝因欲煮薑醋遂命戚屬抱子出外買物
此婦則下樓燃薪適有木屑在旁因而失慎竟兆焚如婦不及走避致生葬火坑因而延
燒鋪戶而綢緞行會館及餘慶里之屋已拆毀不堪矣○走火失婢 聞高第街有譚姓
于二十七日被火焚燒其屋有一婢年甫十餘歲同時逃走至今未見回舍現主人偵騎
四出聞此婢乃城西恩寧里隨嫁者今一旦失去恐爲匪徒所擄云○賊匪擄人 聞欽

論蓋提督觀美廷迫勒中國美國水師提督富夫前來天津辦理事件後自到中國國語謂中國之事務宜正當辦理而後已不亦宜乎夫中國自與美邦立約通商多歷年所美人之來石之言以匡我中國之不逮也獨至所列數事有謂美廷應倣歐洲諸國迫中國准其在華所應得者此真有意於挑釁其居心誠不可問也夫中國自與美邦立約通商多歷年所美人之來中國何求不得何志不逞而猶謂中國之待歐洲各國獨有所厚在蓋提督亦不妨明指一二俾天下共見其聞而恍然於其故也乃詳閱其所言要不過謂華官與西人交接全是欺騙虛浮而毒恨西人之心則終不能忘若以公道相待則難望華人感謝惟迫以勢力始不長其驕泰而能生其畏懼云云夫人藏其心不可測度華人不能知西人之心亦猶西人不能知華人之心也茲乃先挾一華人毒恨西人之見而謂華人之心如若是若華人又謂西人毒恨華人西人聞之其能不大拂於心乎中國素以大公爲心其待萬國之人原無分乎彼此曾何頓藉於美人而怨對若是乎誠如所言必須迫勒以求准美國在華所應得者則必欲得華之土地以聽其開設口岸而屯兵置戍爲蠶食鯨吞之謀也抑必欲得華之人民以聽其約束管轄而任意陵削爲封殖侈靡之計也否則華之子女玉帛必將盡行搜括載載船運而盡輸回美邦也若不然則所應得者亦祇是通商焉耳則歐洲各國所得於中國者華國亦無不得焉而又何如嫌何怨何恨心有所甚不平謂須迫勒也耶夫自各國東來相立和議彼此通好以迄于今中國利益致被占去財源流出不可復回者不知凡幾稍有公道在心亦將深其感激而思相安相保以敦和好以樂太平曾不料中國不滋其疑忌者而美邦反先生其疑忌也推其意不過謂中國兵力單薄斷非其敵若不及時以創鴻圖而成駿烈或被歐洲各國捷足先登則事機之失殊屬可惜且後事難知倘中國有豪傑出焉力爲整頓以求底於富強則將不能行其挾制逞其貪婪耳豈知中國雖弱猶足自守美邦若無端啟釁以肆欺凌朝廷即含忍包荒草野亦將抒其公

憤以中國之大而惟圖自保美邦縱強想終難以得志也然此祇是揆情度勢之言耳妄不足發其聰聽也惟言爲心聲即其所言以窺其爲心則殊覺叵測矣中朝每存大度志恒在於懷柔而不知非我族類究難以德化而情感者故武衛是奮戎兵克詰古之聖帝明王恒兢兢於此誠非好曠武也蓋藉以嚴內外之防也謀國是者可不因此而恍然惕然思歟

電音 九月三十日英都發來電音言法國議堂是日闢門議事有議員宣言於衆謂英法乃匹敵之國兄弟之邦埃及之事二國均同一例關切固無分彼此也乃昨聞英國擬獨設公使往爲辦事以兼攝埃及之政是欲專其利權也法國非不能與抗衡惟念二國唇齒相依腹心久託姑爲隱忍以期無失舊好焉○印度郵音 印度信息謂本港總督燕制軍茲奉英后懿旨馳往堅士蘭補授職缺本港總督之缺則特調斐古臣保雲補授按斐君現任阿非利加洲臺里西亞島總督既來港赴任則所遺臺里西亞島總督缺英廷已簡派占士朗甸馳往接任辦事矣○英國郵音 英都遞到郵筒言西歷十月二十一日有控告埃及國宰臣亞辣卑者其詞謂亞辣卑有大罪四款一奸猾當兩軍酣戰之際忽升旗罷兵退出城外復用火焚城以殺掠人民一險詐埃及人民本無倡亂之心亞辣卑多方挑唆以致蠢動一樂禍太平之際突謀揭竿使無辜慘罹鋒鏑一好殺埃及人民安居樂業彼便不快於心每因小故輒教與西人爲難致釀成仇禍使人亂離奔散父子兄弟不相保守妻子室家不能完聚有此四罪百喙莫辯亟宜明正刑典以快人心云惟英廷已准亞辣卑得請狀師代爲辦理案情故將此控辭發交亞辣卑所請之狀師以便提同原告証人質訊明確然後定讞焉

電線續聞 旅省西人遞到信息謂粵垣所設之電線現因各村落以爲有碍於風水多方阻撓以致不克事觀厥成誠爲可惜然風水之說似不獨鄉落無識之徒爲然即省滙之區搢紳之家讀書明理之人亦皆酷信風水而以電線爲大有碍碍者故一倡百和每有意外即指爲電線所致也夫水旱癘疫乃是天災何關於風水更何關於電線無如人皆挾其成見於胸中牢不可破故不能建非常之事也電報爲貿易場中必不可少之物今泥於風水而致事敗於垂成則粵東貿易安能望其日旺哉西人所言如是姑譯錄之以稔識者○新建砲船 昨接有蘇彝士發來電音得悉英國現造有鐵甲砲船一艘命名澳地斯士業已工竣進水由英國啟行道經地中海九月十九日復由蘇彝士河駛入紅海以期取道來港焉○上海近聞 旅滬西人遞到信息謂是處東門外有某店東主一日往得律風公司倩其製德律風以通往店中貨倉而將貨倉改爲客廳凡有欲與友

言而憚於往返則用得律風傳其
言語每人酌收費用銀若干自設
之後人以其利便而償復廉莫不
爭先傳遞是店因大獲貲財得律
風公司以其壟斷獨登攬奪己之
生意欲將德律風截斷不與此店
建造云○輪船來港 渣甸洋行
接到電音得悉德連尼運火船由
英都倫敦行抵新嘉坡復於九月
三十日啟行來港想日間可到也

法國近報 法國信息言其國有富翁某與人租得一塘畜魚數千其中富翁之女年僅五齡常到塘畔嬉戲見魚
遊泳甚悅於懷恒取食物投諸塘中以飼之魚習以為常每女到則逐隊浮出水面以爭食幾同於海客之狎鷗鳥
也一日女到塘飼魚偶爾失足墜於水中交聞聲急為趨視瞥見女浮沈塘中疑為已死用竹鉤撈起則女固無恙
也回顧塘中羣魚向聚而未去始悟女之不致溺斃者實賴魚聚而承之勿使沒入深際也蠢然如魚猶知所報世
之忘恩負義者應愧此魚矣○西女馴獅 滬報謂西女某者西國馬戲班女伶也杏唇桃臉鳳凰蜂腰而饒有鬚
眉氣概班中畜獅二頭女馴之如養犬馬出入與俱班中人遂呼為獅后日前抵德國伯靈都城演劇女於閒暇時
偕其子至映相店倩著名某甲為照其相甲將應用各器取備以便從事女忽謂甲曰吾有二友在外當呼入同照
甲遂啟門欲為之入女急阻止隨在懷中取出小銀着子敲擊未幾有二獅即自外躍入見甲怒目大吼甲懼甚急
欲趨避女乃叱獅而以手撫摩久之二獅遂伏地不動女隨謂甲曰此非噬人者君無懼我乃新到馬戲之育獅者
出入恒賴其護衛甲乃並為二獅照其狀德國人聞其異無不以此觀此小影為快互相購買幾於不暇徧給焉

火燄 月之初二日下午五點鐘時候火鐘忽又報徹蓋威靈頓街某店偶因烟通為火所逼以致烟燄冒
出見者遂以為失慎店伴知覺即用水沃之頃即烟銷燄熄矣○購拿放火匪徒 本港五方雜處良莠不齊昨有匪徒胆敢用柴布火水油潑置火種於卑利街第七號門牌屋畔希
圖乘機搶掠茲經巡差稟報各官署總督馬制軍以此等匪徒情殊可惡必須嚴為懲辦以儆效
尤特諭巡捕官重出賞格倘有指獲放火匪徒一經審實即賞花紅銀一百圓以期罪人斯得俾
伸國憲而快人心焉○官報彙錄 本港官報謂副警務司巴富經馬制軍批准給假一年俾得
回國所遺之缺以嘉卑多羅濱署理云○學徒跌傷 鞋匠某甲向在摩囉廟街第四十三號門
牌屋居住初一日上午八點鐘其徒及妻在樓上廚中烹飪詎料廚中之板日久廢朽猝然傾墜
二人遂被覆壓甲聞聲奔往見此情形大聲呼救鄰人齊出協力拯救妻雖不甚重傷然徒已折
其左臂血流如注矣查此屋去歲有小孩因憑欄觀望以致傾墜則此屋木料多所朽壞似宜妥

屈臣氏大藥房

各項膏丹丸散藥油藥酒藥水藥餅藥冰香油香水馳名戒洋烟精粉另有泰西各種奇巧製藥器皿

與別家所售戒煙諸藥迥不相同歷蒙
大人獎譽幸已京省馳名矣惟近日妒忌者佈散謠
言似謂服此戒煙雖斷癮而難保無虞等語則大負
本局立心與中國除害之意況且服此不獨斷癮
兼可令人健飯身體日壯請看以下容君緝熙辨惑
論自當了然幸勿爲浮言所阻致誤有志戒煙者之
大機會也於本局實爲厚望焉 每包銀七分二厘

靈效清補丸功用說 此丸清熱利水 婦科調經
去濕能清補氣血調和和精補服之身體 此丸專治
倍健百病不生兼治虛火實熱煩燥暈 來或先或
眩食滯作嘔心腹疼痛胸脅腹背四肢 或過多過
骨痛大便秘結酒風脚氣蠱脹癰瘰瘰黃 等症服此
食黃疸痔瘡癰癩膀胱受濕等症並治 脉而且最
婦女閉經經期不調及肝腎不和虛損 日服三次
食飯前後

之忱遂惠我以靈丹起沈痾於反掌固已恩慚
言伐異衆論黨同謂丹竈功高縱挽沈淪於一日
色變旣將疑而將信詎不懼而不憂無何三易炎
必向青囊而藥乞神清氣朗無虞當白晝而魔
在僕則實戴二天則所謂舊藥復萌移花易莖因
迷津不惜殷勤剖白願同人早離苦海無妨取印
時可放屠刀則僕今日之言固以誌一己之歡幸

頌賴藉日報以揚名澤本肌淪異風聞而紀實矣乃者人
且恐黃泉路近空悲拜賜於三年僕爾時聞語心驚撫過
災涼駒光屢過而幾經霜暑馬齒仍增轉覺體健身強不
繙東坡老今又重來諸葛君依然不死在人則幾疑再世
固水未落而石已出瓦遽解而冰旋消者也僕有意共渡
垂青將救難除災覺濟世尙多寶筏俾醉生夢死知隨
亦以造斯人之福豈特爲屈君解嘲破讒而已哉

風痰濕症散功用說

此散專治風痰流濕及一切惡毒瘡瘍癰癤無名腫毒遠年風濕頭痛骨痛四肢腫痛邪風濕半身不遂等症宜每日氣服三次每次以三分至六分用茶或水如調

酒風脚丸功用說

專治酒風脚痛及風痰濕氣凝結筋絡下部麻木腰腿酸軟腫痛風痰鶴膝等症每日宜服三次每次服兩丸在飯後服之爲合倘年久症深晚間加服兩丸如去日服無不奏效

不寐驚悸善忘等症即無病服之亦能滋助營衛固本寧神開胃健脾補氣養血但須年及十五歲以上方可服食每日宜服三次每服一丸清茶吞下孕婦忌服 每罇價銀大七錢二分 中三錢六分 小七分二厘 每加服便合 每罇價銀七分二厘

本藥房原創在 香港中環臬憲署斜對門 一在英京反出治大街後 一在粵城西關沙基大街近分枝 一在上洋第二十四號南京路 一在福州南台廣東會館隔鄰 一在小呂宋第十四號橋頭兼擇殷實行店附寄各省各埠發售以便貴客易於購買倘有行店無論在於何省遠處欲取各款藥料發售者請函致本局以便兌給務於原價酌減以便易於販賣得以廣行濟世是所厚望焉近有在外埠假冒本藥房招牌者不但希圖射利誠恐為藥場人訕 諸尊賜顧請認票准用

華印務總局王韜刊印